



(90346

後蒙古紀

事本末

光緒乙巳仲秋
上海春記校印

後蒙古紀事本末自序

元自順帝北去元亡而蒙古未亡也明史所稱韃靼及朵顏泰真福餘三衛諸部長皆恃其雄祭之姿迭出與中國抗邊境之禍遂與有明相終姑其事固彰彰於勝國之史者也况乎洪武永樂間駙馬帖木兒敗突厥帝印度統一舊土為伊蘭王國聲威赫然猶賴泰西傳述之迨至我

朝龍興東土諸部落相繼來降有大征伐并帥師以從及定鼎後錫以爵祿俾得世及為

國家之屏翰者已二百六十有餘年矣則後蒙古事之本末亦猶乎前蒙古之不可不紀也於是自順帝北去始至

本朝隸藩服止分類排纂又編為後蒙古紀事本末云

光緒三十年九月上浣曲阿韓善徵叙

後蒙古紀事本末凡例

一元帝殂於應昌明太祖謚之曰順帝其國人稱曰惠宗此編實紀蒙古之事故不曰順帝而曰惠宗

一惠宗北還元之國統雖失而南向出兵志在興復與他夷猾夏不同前史以入寇書之固屬未當且此編為蒙古紀事尤非所宜故不敢仍襲其謬皆以敵國之例名篇

一庫庫特穆爾諸人至元帝歸朔漠後而臣節始終不渝其與明構兵則曰恢復故地若取地自肥而非乃心故主如納克楚四大王等則曰謀入故地以明邊境本蒙古舊疆也

一此編為蒙古紀事之書凡其事之在國朝時者概仍前例如察哈爾一篇不曰我朝滅察哈爾則曰察哈爾滅亡他如受封我朝則曰分藩歸附我朝則曰降大清餘同此

一蒙古與明稱兵猶可以興復為名迨我朝統一天下而蒙古偏處沙漠者已二百有餘年矣豈得復以勝朝藉口此編下卷不敢仍沿上卷之例凡其後蒙古紀事本末凡例

逆我 大清之命者皆以犯阻寇名其篇

一後蒙古年次無可考在勝朝時以明史年號注明餘則概用我朝之紀年一此編搜採事實較前編為難蓋有元創業之初好事者鋪張盛業著述尚有若干種迨惠宗遠北蒙古雖存終於朔漠載筆者竟屬寥寥此編有事必紀故其中有始雖具而未無從考證者請者諒之

一宋元明紀事本末每篇皆從正史原文全行編入此編其甚繁無務求簡而能該其見於私家著述及泰西人之書者則仍詳錄無遺

一此編人名地名部族名其見於小字分注其下

一乾隆二十六年通考館臣言

昭代典章理當出格跳行此編雖為蒙古

紀事而設平書則懼涉褻越跳行又虛占篇幅特於中行過跳行敬空三字雙擡準此以昭崇敬 皇朝通考原書內多有此例非敢鑿空也

一前編次第因類分例而此編則序先後中仍以類相從凡所紀皆有明歷朝

及國初時蒙古之事也

後蒙古紀事本末目錄

卷上

惠宗北還

難輶更名

諸汗嗣立

諸王謀入故地

諸臣恢復故地

諸王降明

諸臣降明

諸部降明

諸臣效忠

諸汗與明和戰

諸臣與明和戰

諸部與明和戰

諸王與俄戰爭

駙馬帖木兒與於不花刺

駙馬帖木兒統一舊土

駙馬帖木兒征埃及

薩哈勒由波斯再興

駙馬帖木兒東征

出入河套

帝印度

三衛盛衰

龍拔普海

後蒙古紀事本末

衛拉特盛衰

目錄

哈密興亡

巴拜父子據寧夏

察哈爾滅亡

科爾沁首先降 大清

鄂爾多斯降

歸化城土默特復王順義

喀爾喀降

喀爾喀兩徙救地

蘇尼特叛

賽音諾顏世長漠北

和羅理駐救賀蘭山

噶爾丹兼并諸部

卷下

噶爾丹入寇 大清

策妄那布坦復據伊犁

青海降 大清

羅卜藏丹津復據青海

噶爾丹策凌入寇 大清

準噶爾亂亡

阿睦撒納叛 大清

和鄂爾勒克服屬俄羅斯

書庫爾岱青等通首 大清

舍稜策入俄羅斯

烏巴錫返救伊犁

漠南分藩

漠北分藩

青海分藩

後蒙古紀事本末卷上

丹陽韓善徵止仙編輯

憲宗北遷

明洪武元年帝自北平遁出塞居開平。元縣中書省上都路御馬殿東北二年明常遇春陷

開平帝北走應昌。元縣中書省應昌路今竹克腦西捕魚兒海旁三年春明李文忠自居庸出東道

擣應昌四月帝殂於應昌明太祖聞之謚之曰順帝國人謚曰惠宗

韃靼更名

明洪武二十一年蒙古王特古斯特穆爾。舊作規古思帖木兒為其下伊遜岱爾。舊作此

所殺自是不復紀年五傳至現特穆爾。舊作帖木兒被殺不復知有帝號有郭勒齊

加詐鬼者以遠播篡立稱汗去國號遂稱韃靼云。

諸汗嗣立

明洪武三年惠宗殂於應昌明李文忠圍應昌城陷之太子阿裕錫哩達刺作

璉。或謂嗣十一年夏四月阿裕錫哩達刺卒明太祖自為文遣使吊祭子特古

斯特穆爾嗣二十一年夏四月明藍玉襲破特古斯特穆爾於捕魚兒海在恰

後蒙古紀事本末

卷上

惠宗北遷韃靼更名

周數十里特古斯特穆爾以其太子忒保努。舊作天等數十騎遁將依丞相耀

珠。或謂駐於和林行至圖拉河為其下伊遜岱爾所襲眾遂散獨與十六騎俱遁

耀珠來迎欲共往依庫庫特穆爾。舊作闊間帖木兒與小字保保者係兩人會大雪不得發伊遜岱

爾兵猝至遂遇害并殺忒保努蒙古自特古斯特穆爾後部帥紛爭五傳至現

特穆爾咸被殺有郭勒齊者篡立稱汗明成祖永樂七年知院阿魯台。舊作阿

殺郭勒齊迎元裔布尼雅錫哩。舊作雅夫里於巴什伯里。舊作別立為汗十一年衛

拉特部長瑪哈木特。舊作瑪絨布尼雅錫哩立塔爾巴。舊作里為汗而阿魯台

復立阿爾台。舊作王子為汗明英宗正統元年故元後韃靼長托克托布哈。舊

托。舊作捕阿爾台王子殺之時衛拉特托歡。舊作既殺阿魯台故自立為汗眾不

可乃立托克托布哈而奉之明景帝景泰二年衛拉特部長額森絨托克托布

哈而自立為汗五年十月額森為所部阿拉。舊作知院所殺未幾韃靼部長

保喇。舊作殺復殺阿拉求托克托布哈子穆爾格爾。舊作立之號小王子自是

世以小王子稱明英宗天順六年穆爾格爾復與保喇相仇殺穆爾格爾卒眾

立勒克呼青吉斯。舊作馬亦號小王子明憲宗成化二年韃靼諸部內爭保



喇絨勒克呼普吉斯其屬瑪拉噶舊作毛殺保喇更立他汗阿勒楚爾舊作所
復與瑪拉噶仇殺瑪拉噶殺所立汗逐河勒楚爾七八年間瑪拉噶稍衰敗如
嘉色凌舊作恩擊殺阿勒楚爾結元裔們都呼舊作滿入河套中稱汗加嘉色
凌為大師初加嘉色凌以女妻們都呼故立為汗久之專恣日甚們都呼部陀
羅該舊作千脫伊斯瑪音舊作亦等謀殺之未幾們都呼亦死成化末伊斯瑪音
死有復稱小王子者自稱大元汗又有巴延蒙克王舊作伯顏至明世宗嘉靖
十一年間小王子最富強控弦十餘萬多奪官員稍厭兵乃徙幕東方稱土默
特舊作土默特後土默特徙居察罕今察哈爾在地常為明前門之患

諸王謀入故地

初元宗室四大王逃匿哥嵐山中結寨自固尋出攻武州為明指揮程桂所敗
四大王遁去時元降臣劉元利張時用等知四大王尚在將攻太原謀為內應
程桂捕殺之四大王仍侵掠不止明洪武二十一年元四大王久匿山中其下
逃散略盡四大王窮蹙詣晉王府降明徙之雲南

諸臣叛復故地

後蒙古紀事本末

卷上

諸王謀入故地
諸王叛復故地

庫庫特穆爾舊作撫摩帖木兒本姓王為小字明洪武元年惠宗居開平命庫庫

特穆爾復大都順天府大興縣治庫庫特穆爾乃引兵出雁門由居庸以攻

北平明徐達率師趨太原庫庫特穆爾至保安今州屬宣化府聞之還救達夜

選精騎來襲營庫庫特穆爾方燃燭治軍書倉卒不知所出跌一足乘驢馬從

十八騎遁二年時張良臣守慶陽抗斬陝陽西伯明故今明徐達曾兵圍之良

臣求救於庫庫特穆爾庫庫特穆爾遣將攻原州陷涇陽明陝西省奉元路

瀾今陝西西安府涇陽縣治為慶陽聲援三年春庫庫特穆爾攻蘭州元陝西省明陝西

特穆爾退沈沈峪北在鞏昌府安定縣與達滿溝而壘日數交戰庫庫特穆爾遣

精兵千餘人由間道劫東南壘為達擊卻之明日達怒兵奮溝殊死戰庫庫特

穆爾軍大敗僅挾妻子數人遁去至黃河得流木以渡遂奔和林五年春庫庫

特穆爾與明藍王戰於圖拉河源出言爾喀鄂諾河西下流與鄂爾坤河合

五年庫庫特穆爾與賀宗哲合兵拒達於頤北達軍敗死者數萬人

白河明曹良臣出精騎來逐伊蘇遁

諸王降明

明洪武初元遼王惠寧王朵顏元帥府降明二十二年明置泰寧福餘朵顏三衛以居之

明洪武三年五月明李文忠陷應昌獲蒙古汗阿裕錫哩達喇子密迪哩巴拉封為崇禮侯

元封駙馬章古為寧濮郡王鎮西寧洪武三年鎮西武靖王卜納剌以吐蕃諸部降於明

安定衛本蒙古別部洪武七年安定王遣使入貢於明明分其地為阿端阿真若先帖里四部永樂二年安定王為曲先所殺部落潰散十一年其孫亦舉丹

入朝於明復故封歸安定成化中為土魯番所殘破酋畜散失宏治初其長子奔請嗣明許之正德七年亦不剌破安定據其地餘眾內徙嘉靖間復命部長

領其眾然安定王後無傳而阿端久沒莫知其處

後蒙古紀事本末

卷上

諸王降明

三

梅里之路以通商於兀納失里懼納款於明明年遣使往朝首馬後以哈梅里

退回訖首使有從他道往者又遣兵邊殺之明出兵來討為所敗二十五年遣使貢馬騾於朝請罪明受之賜白金文綺

賽瑪爾罕舊作罕元末為之王者駙馬特穆爾也舊作爾馬洪武二十年四月遣使朝貢於明

洪武二十四年蒙古王子阿魯哥失里遣使朝貢於明永樂二年置沙州衛以授其首領理濟務舊作務宣德七年言於明諸部侵掠願徙居察罕舊城明不

許正統十一年其首領訥格曠舊作曠以困於衛拉特率部屬歸明因徙明內地衛廢

永樂二年哈密王恩克特穆爾入貢於明明封為忠順王

哈里舊作哈里在賽瑪爾罕西南元駙馬特穆爾既居賽瑪爾罕又遣其子薩哈勒舊作沙據哈里永樂七年遣使貢於明

永樂二十一年明成祖軍至宿覓山在典和北蒙古王子額森托干舊作托干率所部降於明明封為忠勇王賜姓名金忠度漢處也賞眷甚厚金忠數請擊阿魯台願為

前鋒自成祖許之

諸臣降明

明洪武二年四月元將李思齊降於明初思齊在鳳翔明太祖以書遺之且言若果能審去就當以漢待實融之禮相報思齊得書欲降其養子趙琦本狄道人給思齊奔吐蕃思齊信之遂奔臨洮琦竊其寶貨婦女逃匿山谷間思齊窮感遂降琦尋亦歸明思齊至京太祖深慰之授以江西行省左丞不之官

四年劉益為元遼陽行省參政籍所部降明明立遼陽指揮使司以益為指揮同知未幾元平章馬彥壘殺益右丞張良佐執彥壘黨以獻於明明授良臣蓋州衛指揮僉事

洪武二十年冬元將托克托舊作脫脫降於明

二十三年二月明燕王棣出古北口時元太尉彙爾布哈舊作乃營伊都山名兒不脫和通故善彙爾布哈至山名則相持泣頃之明大軍壓直營彙爾布哈及耀珠等驚欲遁和通止之引見棣棣賜酒食慰其勞遣還彙爾布哈喜過望遂偕耀珠降於明

後蒙古紀事本末

卷上

諸臣降明

諸臣效忠

四

永樂二年故韃靼丞相苦木子塔力尼等率所部歸明明建赤斤蒙古子戶所以塔力尼為千戶尋升為衛自是朝貢於明不絕

諸部降明

明洪武初烏梁海部長降於明

明永樂三年春韃靼別部索和爾及察罕達魯噶舊作察罕道魯花等先後歸於明

永樂七年衛拉特諸部長自成祖即位後即遣諸家達什舊作暖等貢馬於明

仍請封明乃封三人為王

諸臣效忠

明洪武二年三月明郭子興陷奉元守將葉城走御史桑圖錫里力窮不屈與

妻子投崖死即中昂克王可仰藥死檢討阿什克布哈舊作阿自經死三原尹

朱春將死謂其妻曰吾當以死報國妻曰君能盡忠吾豈不能殉節俱投崖死

八月張良臣字慶陽明徐達圍之已久數出戰不利糧乏絕至煮人汁丸泛噉

之守者遂開門降良臣父子俱投井明人引出殺之蔡子英永寧元至正中進

士察罕特穆爾碎為參軍累遷行首參政元亡從庫庫特穆爾走定西庫庫特

穆爾軍敗于英單騎走關中入南山明太祖遣人繪形求得之傳詣京師至江
濱亡去久之復被獲械過洛陽見湯和長揖不拜抑之遊不肯褻大焚其鬚不
為動其妻在洛子英避弗見至京授以官不受退而上書求保其節明太祖覽
書益重之館之儀曹忽一夕大哭不止人問故曰思舊王耳明太祖知終不可
奪命有司送出塞從其故主於和林

自元時明太祖遣使通好於庫庫特穆爾庫庫特穆爾留不遣前後七致書皆
不答既出塞復遣人招之亦不應太祖益心敬之嘗曰王保保奇男子耳竟冊
其妹為秦王妃明劉基亦言庫庫特穆爾未可輕及徐達敗後大兵亦稀出塞
庫庫特穆爾從其主徙金山洪武八年八月卒於哈喇諾海在和林北瀾之倚
庭其妻毛氏亦自經死

諸汗與明和戰

自惠宗既歿蒙古臣王多先後降明惟庫庫特穆爾擁阿裕錫哩達喇居和林
明太祖一再致書皆不報明洪武五年明徐達出雁門庫庫特穆爾合兵拒達
達軍死者頗眾馮勝至蘭州遣傅友德前驅蒙古兵再敗李文忠至鄂爾坤河
後蒙古紀事本末

卷上

諸汗與明和戰

殊死戰蒙古兵敗走文忠追至青海而還明年蒙古兵入明武朔明郭子興

戰不利未幾庫庫特穆爾兵復敗於懷柔時先後攻明白登保德河曲撫寧諸

地輒為明守臣所敗七年四月明藍玉陷興和七月明文忠又陷高州在遼東明

在今容利沁故遣汗書九年蒙古將已延持穆爾侵明西邊敗還十一年夏阿裕錫哩達喇卒

子特古斯特穆爾嗣明太祖遣使來弔自為文祭之蒙古國公託和齊知院按

珠舊作先屯和林時出沒明塞下太祖屢遣書諭之不從十三年明沐英襲和林

禽托和按珠以還時庫庫特穆爾已卒丞相納克楚擁二十萬眾於金山數侵

明遼東二十年明將軍馮勝等率師來攻夏納克楚降於明二十一年夏時特

古斯特穆爾在捕魚兒海明蓋玉乘夜來襲特古斯特穆爾以太子添保努等

數十騎遁太子迎保努舊作被擒二十三年明燕王棣以大軍徇伊犁蒙古

大尉蘇爾布哈降於明明成祖即位遣使來通好遣以銀幣并及知院阿嚕台

等時郭勒齊汗與衛拉特相仇殺數往來明塞下六年春明成祖遣布尼雅錫

哩書曉以禍福不聽七年明成祖復遣給事中那驥來布尼雅錫哩殺之秋成

祖遣將軍邱福等來攻時布尼雅錫哩已為衛拉特所襲破與阿噶台徙居腫
狗河福帥千騎渡河尚書一人被擒詭言布尼雅錫哩聞大兵至懼惶恐其走
去此僅可三十里福大喜信之曰當疾馳擒之諸將請俟軍集偵虛實然後進
福不從率眾直薄韃靼營戰二日每戰韃靼輒伴敗引去福銳意乘之韃靼眾
奄至圍之數重福等皆死全軍盡歿八年成祖自將來征布尼雅錫哩懼乃西
奔成祖來追及之郭諾河大敗而遁明官德九年阿噶既死其所立阿爾台王
子及所部多爾濟巴勒等為托克托布哈所窘竄額齊訥外為納款於明而數
侵甘涼明正統元年屢為明總兵官陳懋所敗遂至蘇武山在涼州府鎮明
番縣東南
年復大敗於沙漠遂降明未幾托克托布哈立為汗歲朝貢於明明厚報之正
統十四年秋衛拉特額森謀大舉侵明托克托布哈止之曰吾儕服食多資於
明何忍為此額森不從遂分道俾托克托布哈以烏染海侵明遼東額森從大
同入至土木遇明英宗擒之北歸時額森專國兵最多托克托布哈雖為汗兵
較少阿拉知院兵又少三人外親內疎其合眾南侵利多歸額森而害則均受
是年冬托克托布哈遣使往貢於明明人厚賞賜以間之明景泰六年小王子

後蒙古紀事本末

卷上

諸汗與明和戰

六

遣使往貢於明明英宗復辟時保喇與其屬瑪拉噶等雄視部中明天順年間
保喇屢入明西邊後雖求款於明每歲往貢仍侵掠不已明成化間瑪拉噶亦
如之時們都埒居河套中稱汗九年們都埒等大舉南向直抵明秦州安定諸
邑明王越謂韃靼盡銳西北而不備東偏乃率兵至紅藍池在榆林府西北
與鞏昌府接界
兵為十覆而身率諸軍張兩翼直薄韃靼營伏兵又從後夾擊韃靼兵大敗盧
帳被焚及們都埒等歸妻子畜產已蕩盡相對痛哭自是遠徙北去不復居河
套間數遣使通貢於明十一年間們都埒死十八年們都埒部伊斯瑪音侵明
延綏為其兵所敗十九年小王子率兵三萬侵明大同連營五十里殺掠明人
畜數萬既得利長驅入明順聖川明兵悉力捍禦始還明宏治元年小王子奉
書求貢於明自稱大元汗明人許之自是與已延蒙克王等屢入貢漸往來套
中出沒侵擾八年韃靼北部伊畢喇伊木王據明界等入套駐牧於是小王
子及陀羅該和碩舊作居賀蘭山後與之相倚數為東西諸邊患其年二入遼
東多殺掠明年明宣天延綏諸境俱被殘十一年為明王越所襲破奔至柳溝
在寧夏府平
羅縣西北十四年入明長勝堡在錦
州界既而西歸復進掠明延綏寧夏往來數

千里所至殺掠殆盡未幾又掠明固原宣夏境殺慘酷皆歸編野明關中震動明正德四年侵明延綏尋入花馬池明嘉靖六年侵明宣府水地莊再入太白陽堡驍醜明參將王經開戰死所部被輕輶殺傷殆盡十一年小王從幕東方號土默特四十一年土默特入明撫順城名在奉天府承德復攻鳳凰城

奉天府東南明隆慶時諸達與明和西鄙烽火寂然獨土默特徙居察

罕地控弦十餘萬常結諸部為明前門憂明萬曆六七八年間土默特以二萬

餘騎入攻錦州敗明兵乃分掠小凌河在錦州錦州縣松山在錦州西南醉

遇明李成梁兵始退已而復與諸酋聚兵明塞下謀入廣寧為李成梁所擊大

敗走九年復入明遼陽殺明總兵曹蓋遂大掠人畜而還二十六年土默特與

綽哈侵明遼東殺掠無算明總兵官李如松力戰死四十四年時察罕部主自

稱胡土克圖汗數侵明遼東已掠義州攻陷大安堡明兵民死者甚眾四十六

年我大清兵起略撫順及開原胡土克圖乘隙擁眾挾賞於明四十七年

受明所給白金四千許結諸部以捍大清兵明泰昌元年受明賞至四萬

仍邀索不已天啟三年其近屬以領賞譁於明邊邊人格殺之明人議歲給價

後蒙古紀事本末 卷上 諸臣與明和戰 七

命銀一萬三千有奇而胡土克圖怏怏益思颺去崇禎元年侵明宣大塞二年

秋復擁眾至明延綏乞增賞

諸臣與明和戰

納克楚作納元穆呼哩裔孫為太平萬戶府明太祖拔太平被獲待之甚厚

納克楚作納元穆呼哩裔孫為太平萬戶府明太祖拔太平被獲待之甚厚

納克楚作納元穆呼哩裔孫為太平萬戶府明太祖拔太平被獲待之甚厚

北還明洪武五年冬十月納克楚侵明遼東八年十二月復侵明遼東見明之

備御嚴不敢攻越蓋州境趨至金州明指揮韋富王勝等伏營城下納克楚之

驍將被擒氣大沮沿柞河蓋平縣南西北流今奉天府遁明都指揮使葉旺先引兵

扼河緣河壘冰為牆沃以水經宿疑抗如堅城旁設坑井納克楚軍至伏四起

納克楚急趨連雲島遇水城旁走卷陷井中眾大清明都指揮使馬雲自城中

出合兵追擊至畢魯河即畢州河納克楚僅以身免二十年春納克楚時為

蒙古大尉擁眾數十餘萬屯金山明史地理志遼東三萬衛西北有陰山方輿

今為奉天府開原縣金山北數百里明太祖遣馮勝藍玉等出師徑擣金山復遣

前所獲之元將慕喇固作乃北還遺納克楚書夏六月馮勝等自大寧趨金

山集喇固遠至松花河。納克楚見之大驚，相勞問。集喇固述明太祖恩德，納克楚心動。遣左丞劉特默齊探馬赤探馬赤於勝勝受之，引兵踰金山。全國公和通仰颺鑿降於明。明馮勝遂進，壓納克楚營，而軍初納克楚分兵為三營。一日榆林深處，一曰養養莊，一曰龍安伊圖河。畜牧蕃盛，及是為明大軍所徇。又已先入，集喇固言，意猶豫不決。因遣使陽為請降，以規兵勢。勝遣藍玉來受之。納克楚所遣使亦還報，極言明兵盛。納克楚乃仰天歎曰：天弗使吾有此眾矣。遂率數百騎詣王。王大喜，飲以酒，納克楚酌酒，酹王。玉解衣衣之。納克楚不肯服。王亦不飲，爭讓久之。納克楚取酒澆地，顧其下，咄咄語。明鄭國公常茂在坐，其麾下解蒙古語者，密告茂。納克楚將遁去，茂直前搏之。納克楚驚起，欲就馬。茂拔刀欲傷其臂，不得。騎明都督耿忠擁以見。勝勝重禮之，使忠與同寢食。納克楚將士妻子十餘萬眾，在花河北。聞納克楚傷驚潰，有欲往追者。勝遣和通來勸降之。納克楚至明京，太祖召見慰勞甚至。封海西侯。集喇固亦授千戶。賜金帛二十一年。納克楚卒，明以其子察罕為濬陽侯。後坐藍玉黨死。

阿魯台 韃靼知院也。明永樂八年二月，成祖征韃靼，韃靼汗布尼雅錫哩聞大後蒙古紀事本末 卷上 諸臣與明和戰 八

軍至，懼，遣阿魯台俱西。阿魯台不從，眾潰散。君臣始各為部。布尼雅錫哩西奔。阿魯台東奔。六月，成祖征阿魯台。軍次青陽，成度飛雲登。阿魯台詐乞降，悉眾往禦。阿魯台帥千騎當中堅。明成祖自將精騎衝擊，矢下如雨。阿魯台墜馬，遂大敗。遁至廣漠，成是年冬，阿魯台遣使貢馬於明。成祖納之。十一年，衛拉特瑪哈木將絨布尼雅錫哩阿魯台遣使告於明，議發兵討賊。願率所部為前鋒。明以瑪哈木累索賞，眷留。敕使不違，故封阿魯台為和寧王。阿魯台初為衛拉特所敗，窮蹙南竄。降明，受封數年，生聚蕃富。浸桀驁，拘留明使。時將兵出沒塞下。二十年春，大入明興和。成祖自將來征。秋七月，大軍次沙狐原。阿魯台大懼，母妻皆罟之。於是盡棄輜重於庫倫海側，遁去。明發兵焚之，收其牲畜而還。明宣宗宣德八年，阿魯台為衛拉特托歡所殺。

保刺 韃靼部人也。明英宗復辟，即遣都督馬政等使迤北，賜故巴延特穆爾妻金幣。以英宗在此時，巴延特穆爾敬護尤至也。保刺遞政等執之，而使使入賀。且請獻玉璽。英宗初之曰：璽已非真，即真亦秦不祥物。獻否？由爾。第留我使，以速爾禍。保刺不受命，數侵威遠。諸衛明天順二年，保刺大舉攻陝西。敗明

兵三年入明安邊營在榆林府定遠縣東北明都督周顥指揮李鑑戰死四年入榆林為

明兵所敗未幾復大掠陝西五年春入平虜城誘明指揮入伏殺之秋保喇求

款於明明使屠昇來議保喇遣屠昇請改大同舊貢道而由陝西蘭縣入明

許之未幾復糾其屬瑪拉噶等入河西屢敗於明兵保喇從大同入貢於明數

侵掠往來塞下以西攻衛拉特為讎又數要劫三衛七年冬貢使及闕明英

宗卻之以大學士李賢言乃止明成化元年春保喇誘烏梁海九騎萬入遼河

秋散掠延綏及復入大明邊明兵來禦皆少卻未幾復渡河曲圍黃甫川堡明

兵力戰始引遼二年夏大入明延綏又散掠平涼入靈州及固原長驅擾寧靜

隆德諸處及復入延綏殺明之參將湯允

瑪拉噶保喇屬也殺保喇逐阿勒楚爾以專國使使入貢於明尋渡河掠明

大同明朱永等來征會瑪拉噶再乞與明通貢而別部長頗羅鼎舊作乃字亦遣

人朝明明許之時明成化三年也四年冬侵明延綏五年春再入明邊為明守

將擊敗及復糾三衛入延綏榆林大擾六年春亦連破於明兵

伊斯瑪音們都琦之部也明成化十八年夏六月伊斯瑪音侵明延綏屢敗

後蒙古紀事本末 卷上 諸臣與明和戰 九

於明兵時韃靼兵厄於邊牆不得出遂大敗

加嘉色凌們都琦之大師也明成化九年加嘉色凌與博勒呼舊作字大舉

深入明邊直抵秦州安定諸邑

和碩們都琦部陀羅該舊作脫之子也和碩舊作與小王子居賀蘭山後明

宏治十二年和碩率七千餘騎入明威遠衛在鞏中置今魯縣北與明將軍王

諸部與明和戰

果戰大敗之明兵死者九百餘人十四年夏與小王子入明長勝堡十六年和

碩入明大同明指揮鄭瑤戰死

烏梁海明洪武初元遠王惠寧王朵顏元帥府降明明以烏梁海臨訛元地

置泰寧朵顏福餘三衛俾部長各領其眾明成祖靖難兵起三衛以從征功其

長盡受明官自是三衛朝貢於明不絕久之陰附韃靼之阿噶台且為其鄉導

明永樂二十年成祖征阿噶台遂移師征烏梁海三衛與戰眾奔潰部長被殺

數十人明宣德三年烏梁海率部眾萬餘人掠明永平山海間時宣宗方巡邊

乃出喜峰口來征戰於寬河在今各州部眾潰散人馬死者過半乃請降明正

統初三衛復通衛拉特托歡及諸部尙明塞下三年三衛西掠明葭州遂為明邊將所破七年福餘部侵明遼東八年托歡子額森侵明塞朵顏乘隙肆擾明年明朱真等出喜峰古北諸口東西來勦多敗衄故常圖報復十四年福餘泰甯因結額森大舉南向額森擒明英宗以北景泰初明遣使來撫諭三衛受額森旨數以非時往貢於明多遣使往來伺察中國既而額森虐使之三衛不堪遂陰輸衛拉特情於中國明天順中嘗乘間掠明諸邊復竊通韃靼保喇所遣使與保喇使臣偕見中國待韃靼厚請加賞不得大怒遂益與保喇相結明成化元年復從保喇等大入明遼河又時獨出沒廣甯義州間數年中戰皆不利十年復掠明開原慶雲通明參將周俊兵始退明宏治初常掠明古北開原境明人以計誘斬三衛之往市者三百人遂北結陀羅該數攻廣甯遂諸處明正德十四年朵顏通小王子部落自遵化縣鮎魚關入大掠明遣副總兵桂勇禦之既而復許入貢未幾復入侵明邊嘉靖十年朵顏侵遵化縣馬蘭谷未幾入攻漁陽諸小關皆殘破既而復入掠遵化遵化諸塞二十一年誘誘達入攻遼安之青山口蒙古呼朵顏為遼陽軍告邊人曰遼陽軍等我來耳二十二年後蒙古紀事本末

卷上 諸部與明和戰

朵顏攻圍慕田峪北有開州殺明守備陳燾二十八年朵顏三衛復明遼東三十九年侵明遼安縣一片石關四十二年糾東西部由密雲縣牆子崩深入明萬曆元年春朵顏部長董呼哩舊作董及兄子長安舊作入喜峰口為明戚繼光所擊敗呼哩乃款關請貢十二月呼哩之弟察克圖長復入攻又見擒於是董呼哩長安率部長親族三百人叩關請死乞赦察克圖繼光遣將受降乃釋察克圖許通貢如故先是泰甯部長蘇巴爾噶舊作綽哈舊作綽哈等頻入攻明疆六年蘇巴爾噶綽哈糾土默特等以三萬騎壁遼河攻東昌堡在開州海州今奉天遼寧城遼寧遼寧城遼寧皆敗於明將李成梁十年蘇巴爾噶與弟綽哈子布延圖舊作入義州蘇巴爾噶遇伏中矢死綽哈等慟哭而還十三年巴圖爾舊作欲報父蘇巴爾噶之怨偕從父綽哈姑塔呼達舊作糾西部伊勒敦舊作等以數萬騎掠瀋陽既返駐牧遼河欲攻開原鐵嶺明李成梁等踰塞來覘帳與戰死者八百有餘人秋諸部長復侵蒲河在奉天府承德縣今營時西部音登舊作亦窺明遼瀋成梁部將搗破音營諸部長聞之始引還二十二年十月蘇巴爾噶為明軍所殺其子綽哈子巴圖爾益結土默特東

西相倚數侵明邊總兵官董一元遣部將馳石屯禦西部而自將大軍遣鎮
武外為空營綽哈等不知深入明兵忽從中起大敗巴圖爾中失走西部亦解
去

衛拉特 明永樂七年其渠瑪哈木特等貢馬於明受明所加王號自是每歲

朝貢後因要索不從留明使不遣十二年瑪哈木特擁兵飲馬河將卷取南侵

夏六月遇明成祖於和拉和錫蒙舊作忽蘭恩夫濕在漠北故和林東大敗王子死者十餘人失

部眾數千十三年春瑪哈木特遣使於明謝罪貢馬辭極卑順明成祖受之館

使者自正統初以來衛拉特遣使貢明明大監王振以藻飾太平為名賞賚金

帛無算凡所請乞亦無不許已而額森以二千人貢馬號三千振怒令禮部計

口給餼虛報者皆不與而所請又僅得五之一額森恚怒遂誘挾諸部分道大

舉南侵十四年七月托克托布哈以烏梁海攻遼東阿拉騰在阿拉騰知阿攻宣府并

圍赤城又遣別將攻甘肅額森自擁眾從大同入至貓兒莊在大同府陽明參

將吳浩迎戰敗死又大敗明宋瑛等軍於陽和明衛今陽高縣北有堡明參

八月明英宗親征至大同既而班師發宣府額森率兵襲直後明吳克忠等禦

後蒙古紀事本末 卷上 諸部與明和戰 十一

之力戰死明之後軍潰散略盡朱勇等帥四萬人來援次鶴兒嶺全軍俱沒次

日英宗次土木舊驛有堡在宣化府懷來縣西額森分道自旁近口入增兵圍之并遣使請和

明人許之額森佯退明人遽令移營回旋間行列已亂額森大呼四面蹂躪入

遂擒英宗額森擁之至宣府傳諭開門出迎不應復擁之至大同索金帛會明

劉安等謀奪英宗額森遂擁以北行冬十月額森聞明已立郕王為帝會眾議

欲大舉侵明明帝必南遷大都可有也明閹喜寬從明上皇北行降額森為間

謀盡以中國虛實相告教額森擁上皇至邊背明諸將開關召總兵鎮守官出

見則留之可以得志額森以為然乃說言奉上皇還京至大同明總兵官郭登

不納遂由陽和進臨白羊口一作白楊在抵紫荆關喜寬與額森弟大同王

夾文闕城明守備都御史孫祥等皆戰死遂入闕長驅而東額森自紫荆關擁
上皇過易州至良鄉進次盧溝橋列陣至明京師西直門明日額森擁上皇登
土城在德勝門東北亦曰土城即喜寬所據額森邀明大臣迎上皇索金帛萬萬
計又遣騎窺德勝門遇伏額森弟博羅及平章茂諾海在中斃死額森兵
轉至西直門前鋒死者數人額森初輕中國既至相持五日邀請既不應戰又

輒不利其別部攻居庸者復為明羅通所敗額森氣大沮喪又聞明勤王師且至乃夜拔營由良鄉而西大掠所過州縣擁上皇出紫荆關以還十二月喜甯勸額森西犯寧夏掠馬苑直趨江表居上皇南京上皇不肯行額森遂有攻寧夏掠人畜期月始退仍留數千人於河套明景泰元年閏正月入大同至沙窩在湖河府東北三月侵陽和大同偏頭關五季北漢若元改為關明置野狐嶺在湖河府東北萬全衛五月又擾宣府大同戰皆不利時喜甯既死額森失間謀所部兵多死傷而托克托布哈王阿拉知院又昏搗貳於是決意欲和又恥自屈乃先令阿拉知院遣參政旺札勒托歡舊作完者脫歡等至懷來和議未幾額森擁上皇至大同遣使者賞文書以議和為言而自率眾至城下明郭登仍欲謀奪上皇額森覺遂擁上皇去秋七月明遣使齎金銀書幣至和議成八月額森擁上皇歸自是額森屢遣使致貢於明三年十二月又遣使賀明來年正旦五年十月為阿拉所殺

語達舊作於小王子為從父行小王子東徙所分諸部落在西北邊者甚眾惟諸達與濟農二部最強據河套雄黠喜兵為諸部落長先是諸達求款於明後蒙古紀事本末

卷上 諸部與明和戰

不許遂與濟農分道南侵嘉靖二十一年六月復遣使於明求貢明大同巡撫龍大有誘縛之諸達怒入掠朔州抵廣武由大原南下沁汾復從忻崞而北明參將張世忠等皆死遂從雁門故道而還未幾濟農死其子朗台吉舊作浪台吉等散處河西勢分諸達獨威歲數擾明邊二十三年冬十月諸達自明萬全衛毀牆入掠葭州直抵完縣明京師戒嚴二十六年夏四月諸達奉印信書文詣明邊陳款明仍不許二十八年春諸達攻宣府滴水崖在宣化府赤城縣東南崖中置有堡故城守處與明把總江瀚等戰殺之覆其全軍遂侵永甯明縣永樂中置今省故城在宣化府延慶州東有都司駐此為大舉八月循湖河川南下至古北口別遣精騎自間道潰牆入明兵潰遂大掠懷柔圍順義長驅自通州營口河東分兵剽昌平擾明諸陵殺掠不可勝紀明京師戒嚴諸達自通州渡河而西前鋒七百騎駐安定門外教場遂薄都城明諸將皆堅壁不敢戰諸達燬城外廬舍火光燭天諸達縱橫內地凡八日本無意攻城且所掠已過望乃整輜重將趨白羊口在昌平州西有城亦曰白楊而歸明總兵官仇鸞尾之諸達控東返營兵潰死傷千餘人諸達遂徐由古北口出塞三十年

明仇警驚怯畏諸達密遣人持符幣結諸達義子托克托使貢馬互市諸達許之投書於明宣大總督明人許之每歲春秋在大同宣府開馬市諸達以羸馬索厚值弗予輒大譁大同市則侵宣府宣府市則侵大同甚者朝市暮侵倖羸馬掠遂三十一年九月明人罷馬市三十二年春諸達連攻明宣府秋七月大舉深入明境下渾源靈邱廣昌急攻插箭此峪在廣浮圖昌縣東南等處分兵東攻蔚西掠代繁峙已駐鄭延二十日屠掠延慶諸城幾徧會久雨乃退未幾復侵大同殺明總兵官覆其金軍三十三年侵宣府攻薊鎮牆百道并進明京師戒嚴初明人趙全邱當等以罪來降招集七命屠豐州築城今歸化城自衛壘水田構宮殿號曰拜牲舊作數誘諸達與明為患且教之益習攻戰事諸達信用之每入侵明境必置酒全所問計諸達于錫林阿舊作有妾托斯齊舊作私部自懼罪降明錫林阿往索不得三十六年冬十月攻應朔二州毀七十餘堡縱掠大同圍右衛數匝明人乃給托斯齊出塞錫林阿執而殺之圍右衛益急更分兵攻宣薊明西鄙震動三十八年錫林阿入潘家口渡灤河而西大掠遵化遷安薊州玉田駐內地五日明京師大震三十九年明總兵官劉漢等夜蒙古紀事本末

卷上

諸部與明和戰

分道來擄豐州擒殺五百十人焚拜牲略盡時邱當已隨諸達帳他徙趙全亦遁免四十二年冬十月錫林阿清牆子嶺關名在雲入大掠順義三河殺明將趙濬等明京師戒嚴錫林阿駐明內地八日始退四十五年秋七月錫林阿以十萬騎攻萬全石衛為明馬芳所敗久侵固原又侵大同殺明將郭江等時邱當已死趙全亦用事專諸達為帝治宮殿期日上棟忽大風棟墜傷數人諸達懼不敢居全乃為諸達言明大同兵弱亭障稀可以逞故數擾明山西明隆慶元年九月復率眾數萬分道入井坪在朔平府平朔州偏頭關老營堡名在縣諸處明諸邊將皆敗遂長驅破石州今府殺其知州王亮米大掠孝義今州府介休今州府平遼今州府文水今府大谷今州府澤州間明男女死者萬數二年十一月明總兵官馬芳襲破諸達帳於長水海子鄉曰諸達兵追之又為所敗四年冬諸達有孫曰巴噶今濟舊作諸達第三子塔木台吉舊作得復自聘鄂爾多斯舊作女號三娘子即諸達外孫女也諸達見其美奪之巴噶志率直屬十餘人降明明授巴噶指揮使諸達方西掠土番聞之急引還

約諸部入侵不得利伊克哈敦思其孫日夜哭諸達惠之使明請命明遣譯者
鮑崇德來令縛送拜姓諸人以易巴噶崇德入諸達營諸達感氣待之崇德曰
我朝廷待而孫甚厚今稱兵是速其死也諸達疑巴噶已死聞言心動使使詢
之明總兵王崇古今巴噶緋袍金帶見使者諸達喜過望崇德因說之曰趙全
等旦至巴噶夕歸諸達因屏人語曰我不為亂亂由全等天子若封我為王長
北方諸部孰敢為患即死吾孫當襲封彼衣食中國忍背德乎遂遣使致書明
大同巡撫方達時而全方慈惠更入侵諸達又惑之全嘗投書達時欲歸中國
達時以示諸達始有執全意錫林阿奄至大同達時以巴噶箭示之錫林阿執
箭泣曰此吾弟塔木台吉故物也我來求巴噶巴噶既受官當更計之會諸達
召錫林阿還乃引去諸達遂遣使與崇德往明乞封請互市隨執趙全等九人
獻明明遣巴噶歸諸達及其妻撫之泣遣使於明報謝誓不侵大同五年三月
明封諸達為順義王名所居城曰歸化昆都埒赫即老巴噶諸達弟舊作昆都力哈錫林阿等
皆授都督同知等官有差封巴噶昭勇將軍指揮如故已而諸達請金字經及
刺麻僧於明諸達年老佞佛復請於明在海南建寺明錫名曰仰華後諸達死
後蒙古紀事本末

卷上 諸部與明和戰

十四

徹辰汗黃台吉改名襲萬曆十五年徹辰汗死子徹哩克襲其妻三娘子即

諸達所奪之外孫女而為婦者也應配三王王兵柄為中國守邊保塞諸部畏

眼明嘉其功封忠順夫人初徹辰汗襲封年老且病欲妻三娘子三娘子不從

率眾逃走徹辰汗追之貢市久不往明經略邊防官鄭鎬計三娘子別處則徹

辰汗雖王無益乃使人語之曰夫人能歸王不較恩寵否則塞上一婦人耳三

娘子聽命肯於明惟謹徹辰汗死徹哩克當襲三娘子自以年長練兵萬人築

城別居額恐貢市無主復諭徹哩克曰夫人三世歸順汝能與之匹則王不然

封別有虜也徹哩克盡逐諸妾復妻三娘子遂嗣封三十五年徹哩克死孫布

色圖舊作布應嗣求婚於忠順夫人忠順拒之其所部薩納台吉舊作素囊台吉及烏

嚕台吉舊作台吉等各不相下封號久未定四十一年布色圖始婚於忠順東西

諸部長皆具狀為請封於明忠順夫人旋卒明封布色圖為順義王然勢益衰
不復能力制諸部矣

濟農舊作居河套中西抵賀蘭山限以黃河不得渡用牛皮為渾脫鞞

河俗謂之皮渾脫與渾淖鞞脫音相近故史傳借用渡入山後諸達亦自豐州入套相率為明邊患鞞

無當歲嘉靖十五年濟農以十萬大舉南向至黑河城黑河即古黑水遇伏大敗而退其分侵寧夏者亦敗遂十九年七月濟農攻萬全右衛九月復入固原
剽掠兵敗於黑水苑苑在固原濟農子錫沙王錫沙王死焉遂走寧夏復為明兵
所敗三十七年秋八月濟農舊作吉能即前濟農子故濟農係蒙古王侵明永
昌涼州進圍甘州十四日始退

青海 自正德四年蒙古酋額布勒等據青海明甘肅西寧始被侵擾嘉靖十
一二年間又南掠松潘二十年其黨布爾罕獻金牌良馬於明求款三十八年
後諸達子賓圖等留居青海亦擾明西寧隆慶中諸達受明封修貢惟謹二子
亦以父故不敢大為明邊患萬曆十六年永什卜部眾有闖入西寧者殺明總
兵官明人不能討十八年六月套部章圖哩舊作莊等據青海地水塘布色圖
浩爾齊等據莽拉舊作刺轟恭舊作工兩川隨北水易流浩爾齊元黠傑數侵甘涼
岷洮西寧間已而進圍舊洮州即古洮陽城在洮州西南臨洮水殺明副將李聯芳尋復掠河
州臨洮渭源敗其軍明西陸大震時徹哩克勢衰亦為布色圖等所誘西行遠
邊七月明尚書鄭頌以洮河之難由縱諸酋入青海所致乃馳詣甘肅下今日
後蒙古紀事本末

卷上 諸部與明和戰

北部自青海歸巢者聽假道自巢入青海者即勒兵拒之未幾布色圖欲趨青
海中其伏僅以身免章圖哩後至聞之亦退領兵至青海逐浩爾齊諸部而遣
使極德克東歸二十三年時永什卜部眾強盛先嘗受明都督同知官又進龍
虎將軍自以首布在官化明守臣遇已厚不可違乃隨諸達西迎活佛留據青
海歲為明邊患嘗誘殺明副將李魁明人不能討遂有輕中國心九月九日度
明將士必燕飲擁勁騎直入南川在西寧府西南自達雲采禦為所敗死者七百餘人其走峽外者又被番人殲焉後數年中浩爾
齊布色圖等鈔掠明境如故至神宗末明杜文煥鎮延綏始與布延泰舊作卜
沙津舊作等納款於明

諸王與俄戰爭

順帝末造黑海之北有喀勒姆部浮而嘎河濱有喀桑部裹海之北有阿斯塔
拉干部血薩萊城城在都建鄂不阿爾於浮而嘎河下流曰薩萊亦之王爭雄并峙
大抵皆木赤子鄂爾達昔班托喀帖木兒三王之後明洪武十二年薩萊王馬
蓮與俄國莫斯科克王得米特里第四伊萬諾委持戰於端河東大敗其時騎馬

帖木兒雄踞西域助托喀帖木兒後托克塔迷失攻滅諸王馬邁道去為人所殺洪武十五年托克塔迷失攻莫斯克下之物拉的米爾勒治藏等城悉被焚掠俄王奉職朝貢如初托克塔迷失不念駙馬帖木兒輔立之德侵奪高喀斯山迤南地洪武二十七年為帖木兒所敗東道烏拉嶺為族人薩提伯克殺之薩萊阿斯塔拉干兩地皆被蹂躪蒙古將也列哥輔立庫特洛克帖木兒旋卒復立薩提伯克發廢之立庫特洛克之子博拉特伯克永樂八年復圍木斯克未破城而退諸王乘其兵入俄境奪其國撥攘不定干戈相尋無歲阿斯塔拉干併於薩萊惟喀泰喀姆如故喀勒姆王與俄最親嘗助俄伐其同宗明成化十四年薩萊王阿赫邁特伐莫斯克王伊萬第三兩軍陣於倭喀烏格拉二河之支流河交綏而退喀勒姆王受俄指使滅薩萊王國亡明宏治十四年事也阿斯塔拉干仍自立國嘉靖三十年俄王伊萬第四滅喀泰乘勝遂滅阿斯塔拉干隆慶五年喀勒姆王以兩部皆滅為憾糾土耳其之兵長驅入俄破莫斯克屠殺官民八十餘萬焚城而去先是烏拉領東老卑爾之地木亦後建國於求綿職城其建國於錫爾河北濱者號庫拉汗伊萬第四收撫黑海喀薩後蒙古紀事本末

卷上

諸王與俄爭戰
駙馬帖木兒興於不花刺

十六

克部用其人為將萬曆九年遂滅息卑爾元後裔之在西方者略盡惟喀勒姆部傳國最久土耳其常厄之國朝乾隆三十六年俄后噶特鄰第二遣將取其地後三年俄土議和仍返其地四十三年始為俄所併今惟布哈爾機塗兩部王仍為木亦昔班之後然受制於俄徒擁虛位機塗部王曾請於俄願得金錢若干遜國避位俄未之許布哈爾部王亦有讓國之說蓋二邦易姓亦旦夕間事也

駙馬帖木兒興於不花刺

元文宗至順元年帖木兒生於察合台國之不花刺大地係成吉思汗之後裔也年幼時寄居於岳家其岳父乃不花刺地之旅長及年二十四歲時有喀穆克人侵奪其地其岳父逃走帖木兒不肯逃避轉迎喀穆克人伊等悅其貌即將其岳父所轄之地令其管理未幾不花刺地人皆怨喀穆克人之虐待帖木兒乃約會胡西尼公爵備兵將喀穆克人毆逐境外於是帖木兒胡西尼分有此地成為二國後二國興起戰事帖木兒獲勝而不花刺之地統歸其手威勢大振欲會合北方各部族長不從遂起兵攻各部敗之後又叛帖木兒遣人

以善言勸導各部反殺其使帖木兒大怒又率兵往討生擒二千人以磚灰砌之造成一臺後又率兵渡底格里河攻敗河西一帶之地是時有頭提米可汗帶兵入不花剌國擾害帖木兒聞之即督兵回國將頭提米擊出界外追過烏拉河兩軍又戰幾將敵兵滅盡後又過底格里戰勝河西大地又向北至法勒嘎河復戰敗頭提米從此西至聶伯河北至摩斯叩城皆其役屬焉

駙馬帖木兒統一舊土

元既衰於東方而西方之察合台伊兒欽察三汗國亦自是不振元仁宗初察合台汗國勢微弱西南河南各部酋長遂有獨立勢惠宗至正十九年察合台後裔特庫爾克居汗位起大軍征服中央亞細亞之叛者時帖木兒率眾以屬特庫爾克旗下來幾特庫爾克以國內亂起遠軍留子愛里阿司於中央亞細亞使帖木兒為參謀帖木兒與愛里阿司議不合適於花刺子模篡兵擊愛里阿司會特庫爾克死愛里阿司東還帖木兒乃悉佔中央亞細亞莫都撒馬爾罕時帖木兒年三十七素負大志欲襲成吉思汗舊國一統世界既平定中央亞細亞驅其餘威諭蔥嶺東進與愛里阿司幼弟即當時之喀什噶爾汗白吉後蒙古紀事本末

卷上

駙馬帖木兒統一舊土

十七

思兒者通婚悉定察合台舊土又西向伐花刺子模花刺子模先屬欽察汗後乘其內亂漸成獨立勢至是帖木兒擊破之更乘伊兒汗之衰侵呼羅珊呼羅珊者本伊兒汗國之屬昔旭烈兀孫阿魯渾死三傳其子合贊伐埃及恢復叙里亞地至阿不賽因年僅十二國之貴族漸不從汗且以欽察汗屢復其北國威蓋萎阿不賽因死無嗣旭烈兀弟阿不哥遠孫亞爾巴孔承其後呼羅珊叙里亞遂成獨立勢伊兒汗國分崩旭烈兀遠孫有貝伊士者據八吉打恢復呼羅珊地其子阿美德慕虎呼羅珊之居民怨之歸意帖木兒於是帖木兒自呼羅珊入波斯遂俘伊兒汗屬土帖木兒既統一察合台伊兒兩汗國直與欽察汗國接壤且帖木兒曩曾征欽察汗之舊屬地花刺子模以故帖木兒與欽察汗國遂起讐昔拔都之為欽察汗也其兄幹魯魯稱白黨汗子孫世據阿拉海東北領吉吉思荒原地其弟昔班子孫蟠踞白黨汗國之西阿拉海西北稱月即別汗昔班弟脫哈帖木兒子孫佔阿速海沿岸地稱哥里米汗至拔都後裔之金黨汗血統已絕三汗國諸王爭欲為欽察汗紛擾無已時其白黨汗惠斯一時得勢逐哥里米汗脫克達米昔或作脫克達摩西又脫克達米昔依帖木

兜得其後卒破白堂汗為欽察汗先是阿羅斯諸侯屈服於欽察汗服兵投納賦稅諸侯嗣立非受汗認可不得世襲其地至是乘欽察汗內亂遂圖獨立脫克達米昔乃侵入阿羅斯燒莫斯科大恣殺掠阿羅斯諸侯等復臣服欽察汗於是脫克達米昔負其功更侵花刺子撲以圖拓地帖木兒怒脫克達米昔背德及平定伊兒汗國後自帥大軍由撒馬兒罕向塔什罕渡札牙黑河勝克達米昔亦逆擊之於亦的勒河畔大敗遁阿羅斯得波蘭德意志利脫發魯西亞欽察諸軍之援數稍復帖木兒與戰於伏爾士克拉河上大破之追入莫斯科大焚掠而歸帖木兒遂命惠斯子可里的克為察欽汗於是帖木兒經略西北之地悉定稱伊蘭王國元太祖所征之西域即唐之波斯國西北一千二百大祖於此年取波斯是波斯國蓋伊蘭國始帖木兒所併伊蘭王國之伊兒汗等處地帖木兒既統一其土故馬時明建文三年也

駙馬帖木兒征埃及

明洪武三十一年帖木兒入印度時埃及曾與察厥通約夾擊帖木兒又嘗殺帖木兒之使者建文元年帖木兒遂率兵西征先入叙里亞敗埃及兵埃及所

後蒙古紀事本末

卷上

駙馬帖木兒征埃及駙馬帖木兒攻突厥

十八

有堅城書為所破

駙馬帖木兒攻突厥

與脫買突厥者元突厥之一部落也初受蒙古人壓迫宋理紹定間略小亞細亞之河可拉附近地與司買遂獨立由是有與脫買突厥之稱即今土耳其帝國也至明洪武年間霸西突一世立時帖木兒自可不里入印度侵母兒坦臨疊爾黑會得報聞突厥將襲其虛乃還軍二十二年勦西突侵衛加厘邊境併吞馬其頓布臘地方蠶食群島於是德法之騎士數萬起義而東行從衛加厘王希韋斯蒙特進至尼高堡里二十九年霸西突逆擊大破之圍孔斯丹提拿博烈急希臘皇帝遣使乞救於帖木兒明惠帝建文四年帖木兒大舉兵攻突厥與霸西突戰於河可拉虜之悉定小亞細亞地

駙馬帖木兒東征

曩者帖木兒之定察合台汗故土也故絕東顧慶乃通好於明太祖亦報之其後使者往來不絕及帖木兒既平四方欲滅明而統一世界時蒙古脫吉思帖木兒死於土拉河畔部落漸分蒙古王族來投帖木兒者日多於是必恢復蒙

古及傳播回教為口實大起東征之軍明成祖聞之命宋晟拒之甘肅帖木兒至凱打兒染患瘟疫而卒時在明永樂三年也

薩哈勒由波斯再興

駙馬特木兒既據撒馬兒罕富強無敵今葱嶺以西東海以東諸回部皆撒馬兒罕之所屬又遣其末子薩哈勒侵波斯勝之改名哈里國明永樂三年特木兒卒子孫爭位內難以起薩哈勒由哈里起兵乎定遂君臨中央亞細亞

帝印度

明洪武三十一年駙馬帖木兒起兵自可不里峪配達克入印度破德勒亥京城自立為印度皇帝仍回本國并未定立國制明嘉靖二年帖木兒後裔巴庇耳王又戰勝印度入德勒亥京都執掌國權立莫古爾帝國蓋即瀛環志略所云撒馬兒罕別部莫臥爾元蒙兀兒也此帝卒後子胡瑪運孫阿克巴耳相繼嗣位明嘉靖三十三年阿克巴耳大旆兵威將國內各路王侯盡行制伏遂成一統此帝有治國才於內地修橋開道其所定權量課稅俱協乎中是以國內商務興盛又建立書院文藝振興阿克巴耳歿後更有三帝相繼嗣立其末帝奧仍後蒙古紀事本末

卷上

薩哈勒由波斯再興 帝印度 出入河套

十九

西庇為人勇有權謀惟心懷奸詐殺其弟二人并囚其父而篡其位臣下疑懼及其歿後遂起戰爭國土分晰

出入河套

大河自寧夏衛東北流過榆林衛北至廢勝州東北乃折而南曰河套古朔方地唐張仁愿築三受降城處也今為鄂爾河套地在黃河南自寧夏至偏頭關延袤至二千里饒水草外為東勝衛即古東勝州今歸化城西南一百四十里明初以此置左右二衛永樂後齊勝而外土地平行敵來不能隱明初庫庫特穆爾據河套洪武中追逐之築東勝等城守焉後以曠絕內徙初韃靼入寇或在遼東宣府大同或在寧夏莊浪甘肅去來無常為患不久景泰初始擾延綏然部落少不敢深入天順間有阿勒楚爾者率屬潛居河套遂逼近明西邊成化元年保刺與小王子瑪拉噶等先後繼至塘中國人為鄉導抄掠明延綏無虛時矣六年破羅鼎與何勒楚爾合別部加嘉色委博勒呼亦入據河套加嘉色委舊居土魯番天順間嘗遣使於明朝貢已乃稍引而東與諸部相雄長遂竊入套中為久居計九年加嘉色委等大舉侵明秦州安定諸邑明總督王越來襲於紅鹽池焚廬帳而還加嘉

色凌等妻子畜產湯盡相對痛哭自是遠徙北去不復居河套間宏治八年韃
韃北部伊畢喇伊木王等入套駐牧十二年小王子及和碩等復居河套十四
年十二月和碩等出河套嘉靖間濟農居套中西渡入賀蘭山後諸達亦自豐
州入套相率為明邊患隆慶中濟農據河套為西陲部長

襲據青海

西寧即古湟中其西四百里有青海又曰西海水草豐美蕃人環居之專務蓄
牧委號樂土明武宗正德四年蒙古部酋額布勒舊作亦及鄂爾多斯舊作阿
二人獲罪其王擁眾西奔職知青海饒富大肆焚掠蕃人失其地多遠徙其留
者不能自存反為所役屬自是屢為明甘肅西寧邊患明人名之曰海寇九年
明總制彭澤集諸道軍將來擣巢二人詢知之由河州渡黃河奔四川出松潘
茂州境直走烏斯藏及明軍引還額布勒仍返海上惟鄂爾多斯遁去嘉靖十
一年河套酋濟農引眾西掠大破額布勒營收其部落大半而去惟額布勒之
黨布爾罕舊作卜一枝斂眾自保時北部諸達福撫歲掠明宣大諸鎮又美青
海富饒三十八年携子賓圖舊作賓都率數萬眾襲據其地布爾罕竄走

後蒙古紀事本末

卷上

襲據青海
三衛盛衰

二十

遂縱掠諸番已引去留賓圖據松山賓都據青海時烏斯藏有稱活佛者諸部
多奉其教賓都乃以焚修為名請建寺於青海及嘉峪關外為久居計明廷臣
皆言不可明世宗竟從禮官言許之賓都既得請又迎脅蕃人使通道松潘以
迎活佛既而寺成明賜額仰華自賓都據青海有切盡台吉者河套濟農從子
諸達從孫也從之而西屢掠番人不得志遂請達往助諸達雅欲侵衛拉特乃
假迎活佛名擁眾西行既抵衛拉特戰敗而還乃假道明甘肅而南會諸酋於
海上蕃人益遭蹂躪多竄徙萬曆八年春始以活佛言東遠而切盡弟活爾齊
舊作大及諸達庶兄子永什舊作永遂留居青海不去十六年間賓都及切
盡台吉亦皆死賓都子真相移駐莽拉川浩爾齊移駐轟莽川逼近西寧日蠶
食蕃族蕃不能支則折而為浩爾齊等用十八年明尚書鄭頤進兵青海焚仰
華寺逐其餘眾而去蕃人復業者至八萬人已而復聚於青海

三衛盛衰

三衛之地本烏梁海所居在元時為大寧路迤北境洪武初元遠王惠寧王朵
顏元帥府內附已數為韃韃所抄乃即其地置三衛曰秦寧今土鞏特今阿魯今曰

朵顏今喀喇沁故漢秦受曰福餘今科爾沁部爾羅斯杜俾部長各領其眾自

明燕王北平兵起厚賂三衛誘致寘王權乃選烏梁海三千人為奇兵從戰數

萬計三衛從此寔衰已而泰寧部長拘肥河衛使人殺之肥河衛部長與戰於

格魯坤送連泰寧大敗反刺復分道截殺連州亦出兵攻之三衛大困十二年

瓦剌賽刊王復擊殺朵顏乃兒不花大掠以去也先繼至朵顏泰寧皆不支乞

降福餘獨走避腦溫江三衛益衰十四年福餘泰寧結也先侵明朵顏獨扼險

不從因不得利大掠二衛人畜去二衛益衰而朵顏獨強且後旋與也先合遂

致明有土木之變嗣後三衛益扶彼為重初衛制以泰寧為首及朵顏益強遂

為首稱成化十四年韃靼滿都魯暴強侵掠三衛部長皆走避塞下數飢困未

幾滿都魯死亦思馬因王兵柄三衛復數為所窘二十二年韃靼別部那孩文

掠三衛掠去人畜以萬計三衛乃相率老弱走匿邊圍萬厯初朵顏長昂益強

長昂死諸子稍衰

衛拉特感哀

後蒙古紀事本末

卷上

衛拉特感哀

二十一

衛拉特舊作瓦剌亦蒙古部落任韃靼西初元臣孟克特穆爾帖木兒據西陲衛

拉特強其已而孟克特穆爾死眾分為三其渠曰瑪哈木特瑪曰太平曰

巴圖博囉舊作巴永樂六年遣諾麥達什舊作等往明貢馬仍請封七年夏

明封瑪哈木特為特進金紫光祿大夫順寧王太平為特進金紫光祿大夫賢

義王巴特博囉為特進金紫光祿大夫安樂王自是歲一入貢於明既而瑪哈

木特累請嘗眷留明使不遣十一年歲其主布尼雅錫哩立塔爾巴為汗十二

年卷眾南侵敗於和拉和錫家十三年瑪哈木特遣使於明謝罪貢馬十四年

瑪哈木特為阿嚕台所敗未幾瑪哈木特死子托歡舊作龍奮德九年托歡襲

殺阿嚕台於穆納山舊作統元年托歡內殺其賢義安樂兩王盡

有其眾欲自稱可汗眾不可乃共立托克托布哈以先所併阿嚕台眾歸之自

為丞相居漠北四年托歡死子額森舊作嗣稱太師准王克校築營北部皆服

屬托克托布哈具空名不復相制每入貢於明主臣并使明亦兩勅答之賜費

甚厚時惟烏梁海未附額森屢擊破之又結婚沙州赤斤諸衛叔制哈密正統

十四年七月額森挾諸部分道大舉南侵八月至土木擒明帝英宗北行十月

入紫荆關文明都城十二月掠冀夏景泰元年閏正月入大同三月復分道入
侵屢為明兵所敗遂遣使請和八月送明帝英宗歸二年額森與托克托布哈
內相猜托克托布哈妻額森姊也額森欲立其姊子為太子不從額森亦疑其
通中國將謀已遂治兵相攻托克托布哈敗走額森追殺之執其妻子以其人
畜給諸部虜遂乘勝迫脅諸番東及建州烏梁海西及赤斤蒙古哈密三年遂
自立為汗以其次子為大師遣使致書於明稱大元特克紳汗舊作田威可汗
天威未曰添元元年明人議報書所稱曰衛拉特汗五年額森特強日益驕荒
於酒色六年阿拉求為大師不許且殺其二子阿拉怒遂率眾攻額森因數其
三罪曰漢兒血在汝身托克托王血在汝身烏梁海血亦在汝身天道好還今
日汝當死額森無以應遂殺之自是衛拉特遠畏額森弟及諸子往依哈密焉
部眾遂分散額森既亡數傳至博汗舊作博汗其世次不可考博汗生子曰烏林台
巴丹舊作烏林
台巴丹大師遂統部落是為準噶爾之始

哈密興亡

哈密東去嘉峪關一千六百里漢伊吾盧地元末以威武王納古里舊作納
恩里鎮

後蒙古紀事不元 卷二 哈密興亡

之卒弟惠克特稱爾騰作安克
木兒嗣明成祖即帝位遣使來諭遂入貢成祖封為
忠順王明年卒次子托克托舊作
脫脫襲初托克托以洪武二十年降於明成祖拔
之奴隸中俾列宿衛欲全嗣爵故待之特厚而托克托陵侮朝使且沈酒不恤
國事成祖賜勅戒諭未至托克托暴卒明乃封托克托從弟推勒特穆爾舊作
免力
兒木為忠義王給印誥世守哈密自是修好惟謹後忠順王布拉噶舊作
卜卒
無子王母主國事加嘉巴凌見哈密無主乘隙侵掠謀據其地成化二年其頭
目請於明以都督同知巴圖穆爾舊作
塔木襲封王爵辭極哀切明乃擢巴圖穆
爾為都督攝王事又卒其子哈商舊作
罕慎襲都督請於明明許之而不命主國
事政令無所出時土魯番在哈密
西今屬
關東其
東為大
州即唐
高昌縣
又東
首阿里舊作
加自稱蘇勒坦舊作
蘇乘機襲哈密城虜王母及金印而去留其妹婿
伊爾舊作
爾鎮之明兵部言哈密實西域咽喉棄而不救恐赤斤蒙古苦峪城名
在
西陲南
湖沙州等亦為所脅則我之藩籬盡撤而甘肅之患方殷乃遣都督同
知李文右通政劉文經略甘肅文等檄哈商及赤斤罕東默克呼番部名在哈
密諸部集兵進討十年又李文等兵至布隆吉爾川在今安西府淵泉縣西
北舊作卜
登吉兒川謀

報阿里集眾抗拒且結別部謀掠罕東赤斤二衛文等不敢進令二衛還守本

土哈商及默克里輝和爾之眾哈密之種落有三一曰回回一曰輝和爾一曰

刺退居苦峪文等亦引還肅州土魯番知中國不足憚遂久據哈密明因令邊

臣纂苦峪城移哈密衛於其地給米布賜穀種命哈商王國事哈商著居苦峪

十年十八年四月率所部兵萬人糾罕東赤斤二衛夜襲哈密城破之伊蘭遁

乘勢連復八城遂逐居故土明進哈商左都督宏治元年土魯番阿里死子阿

哈瑪特駐昨阿嗣為蘇勒坦聞哈商封忠順王怒曰哈商非忠順族安得封乃

偽與結婚誘而殺之仍令伊蘭據其地已而哈密都指揮阿穆呼朗一作阿見

伊蘭單騎請援於明邊臣調赤斤罕東兵夜襲破其城伊蘭遁去以力薄不能

守引還阿哈瑪特既破哈密殺哈商而首使於明不絕明人善待之由是阿哈

瑪特以中國易與益築傲明人拒且使臣卻實物責令悔罪阿哈瑪特恐懼道

使至明願獻還哈密及前阿里所掠金印宏治四年十二月果以城獻明人釋

其使而還之土魯番既獻還哈密城明馬文升言番人重類種且素服蒙古非

蒙古後裔鎮之不可乃求故忠順王托克托從孫善巴禮昨襲封為王以恩克

後蒙古紀事本末 卷上 哈密興亡 三十三

保喇哈商之弟舊為都督同知阿穆呼朗為都督僉事已而諸番索善巴財幣

不得昏怨阿穆呼朗又引默克埒人掠土魯番牛馬阿哈瑪特怒至是著兵夜

襲哈密執善巴支解阿穆呼朗仍令伊蘭據其地阿哈瑪特既據哈密備稱汗

侵沙州罕東諸部附已八年又明遣兵進討至哈密城下拔之伊蘭已先遁

去斬其道罕無降餘眾而還阿哈瑪特懼十年冬送還善巴求首於明明命善

巴為忠順王哈密復安後善巴卒子巴雅濟魯一作牙襲封忠順王淫虐不親政

事嘗怒其部嘗曰土魯番首養蘇爾舊作滿校黠過於其父時有右復哈

密之意數以甘言誘之正德八年秋巴雅濟遂棄其國奔土魯番莽蘇爾奪其

印即遣和卓塔濟迪音舊作火者據孛哈密嘉靖間明人議棄哈密自是哈密

城印及巴雅濟存亡遂置不問而哈密後為沙布塔舊作子穆爾瑪哈穆特

舊作米兒 所有服屬土魯番比歲進貢於明迄隆慶萬曆朝不絕非忠順王苗

裔矣

巴拜父子據嘗夏

巴拜一作故難艱種嘉靖中巴拜得罪其酋長降於明屢立戰功官都指揮萬

歷十七年巴拜老加副總兵致任子承恩襲巴拜雖告老而多畜亡命承恩性
狼戾十九年洮河告警明巡邊御史周弘禴舉承恩及指揮王文秀并巴拜義
子布延嚙詐等明巡撫覺馨檄文秀西援巴拜謁明經略鄭顯願與子承恩從
出師馨惡其自薦抑損之巴拜以故心怨至金城見諸鎮兵皆出其下以敵退
取道塞外遂敵騎遇之皆辟易遂有輕中外心馨欲按承恩冒擅罪又以承恩
娶民女為妾咎之二十會戍卒衣糧久弗給二月巴拜遂暖軍鋒劉東賜許朝
等殺覺馨及副使石繼芳逼副總兵張維忠自縊死東賜據寧夏自稱總兵奉
巴拜為謀王永恩與朝為左右副將布延文秀為左右參將承恩遂攻明玉泉
營及廣武漢西四十七堡皆陷惟士文秀拘平魯今平羅縣屬寧夏府明參將蕭如薰堅
守不下遂率兵渡河欲取靈州又齎金帛誘河套卓哩克圖舊作著等許以花
馬池一帶聽其駐牧執其猖獗全陝震動時明總督魏學曾檄副總兵李駒率
兵來勦諸堡皆次第復失惟寧夏鎮城猶為巴拜等所據會套部卓哩克圖控
弦三千騎至巴拜等益掠城中子女饋之套人揚言巴與布王子為一家布延
引卓哩克圖父子虜堡逼明伏兵布延中矢死套部遂遁出塞四月明大軍相
後蒙古紀事本末

卷上 巴拜父子據寧夏

二四

合逼城下決黃河大壩水灌之城外水深八九尺巴拜等懼陽求撫以緩明師
而仍結套部為助七月布色圖營圍哩以三萬騎攻安定邊小鹽池在澤夏府靈州東南
別遣宰桑舊作以萬騎從花馬池西沙海口為巴拜聲援敗於明麻貴等而
還八月卓哩克圖復入李剛堡在鞏顧順明李如松擊之追奔至賀蘭山巴拜
等接遂絕而被圍食盡城受水浸益大比時明人用間結東賜朝承恩互相殺
以降許曾其罪三人互猜疑至是李東賜遂誘殺承恩黨士文秀承恩亦與其
黨周國柱誘東賜朝殺之開門降明兵圍巴拜家巴拜自縊死承恩被執至明
京師磔於市

察哈爾滅亡

插漢部者元之嫡裔大宗也初大元汗小王子有三子長阿爾倫次阿著次滿
官噴阿爾倫前死二子長卜赤次也明皆幼阿著稱小王子未幾死眾立卜赤
駐牧察哈爾之地因以名部亦曰插漢兒即察哈爾也時諸達方強懼為所并乃從
帳於明遼東邊外收福餘雜部數入掠明薊州四傳至林丹自稱胡土克圖汗
益強威明萬曆四十二年虜侵遼東四十六年夏四月我大清兵起略撫

順及開原插漢部擁眾入明邊乘機邀賞四十七年明人思用插漢部以捍

大清兵給白金四千泰昌元年加賞至四萬林丹但揚言助中國而要索不

已時林丹汗士馬強盛橫行漠南有宋康武乙之暴天命四年聘於大
清書稱統領四十萬眾蒙古國王巴圖魯青吉斯汗致書水濱三萬眾滿洲國
主且自恃號勁憑凌諸部先後歐歸 大清諸師援救天聰八年六月

太宗統大軍盡徵各部蒙古兵征察哈爾時遼河夏漲晝夜冒濚出不意踰

內興安嶺千三百里至林丹汗之庭林丹汗謀拒戰而所部解體遂從人畜十

餘萬眾由歸化城渡河西奔沿途雜散十之七八林丹汗走死於青海之大草

灘 大清軍至歸化城收林丹汗部落數萬而遠明年林丹汗子額哲率所

部奉傳國璽降於 大清封親王位冠四十九旗負勒之上部眾編旗安置

義州額哲卒弟龍爵傳至布爾尼當康熙十四年吳三桂之變 大清來徵

兵不赴旋燭奈曼等屬擁眾同叛 大清以多羅信郡王鄂札為撫遠大將

軍大學士圖海副之率不附察哈爾各部蒙古兵來討四月師次岐爾哈台時

布爾尼兵屯於達祿聞 大清軍留輜重以輕騎進乃設伏山谷列陣以

後蒙古紀事本末 卷上 察哈爾滅亡 三五

待伏兵先為 大清軍所敗大隊亦奔布爾尼收潰卒戰復連敗以三千騎

遁為科爾沁兵射死凡六閱月而察哈爾遂亡 大清空其故地置牧廠隸

內務府大僕寺而移察哈爾之部眾游牧於宣化大同邊外凡八旗分東西二

翼此八旗在蒙古四十九旗外官不得世襲事不得自專與各札薩克君國子

民者不同察哈爾部故地延袤千餘里在獨石口張家口邊外

科爾沁首先降 大清

科爾沁部屬插漢部 大清 太祖初年科爾沁與葉赫哈達烏拉輝

發錫伯封爾察珠合里納殷共九部之師三萬侵 大清攻赫濟格城不下

陳兵古呼山 太祖親禦為所敗道數年 太祖復征烏拉部科爾

沁援之又為所敗於是科爾沁與諸部遣使於 大清乞好天命九年插漢

林丹汗以兵侵陵諸部諸部或北徙瀚海依喀爾喀或東走依科爾沁科爾沁

怨插漢之暴思歸 大清遂率之入覲自是為 大清不侵不叛之臣矣

天命十一年 大祖崩 太宗即位科爾沁土謝圖汗遣使弔曰恭

聞德武英明大可汗上賓皇邑台呈言最奉書以慰八旗大小諸貝勒昔察者爾

巴敦汗王四方控七寶數盡則必死雪山白獅子其力雖大限到亦死溟海之內縱有諸寶無裨於龍王之死故成必有壞始必有終爾

皇者奮起孤

債之中并吞大小諸國為一虎步中外是天之所蒙宜返天上惟生者能自強則死者為不死

後嗣勉之矣是年

大清始封科爾沁奧巴台為土

謝圖汗天聰二年會 大清軍征插漢三年至八年亦屢上書明崇禎帝請與 大清和書中尚自稱三衛十年 大清軍蕩平林丹汗全部於是兩

科爾沁與札賚特杜爾伯特郭爾羅斯喀喇沁土默特教漢奈曼巴林札魯特翁牛特諸部遣朝鮮國王書合辭上 太宗尊號改元崇德禮成冊功

大清設科爾沁札薩克五 賜親王郡王鎮國公爵有差二年從征朝鮮三年從征喀爾喀四年從征索倫八年從征明及黑龍江諸部順治元年偕杜爾

伯特郭爾羅斯以兵從 大清睿親王多爾袞入山海關走流賊定京師二年又以兵從 大清豫親王多鐸定江南三年復從討蘇尼特首騰吉思敗

喀爾喀兩汗援兵七年 大清後增設科爾沁札薩克一康熙十有三年科爾沁額駙沙津率各部兵討插漢酋布爾尼之叛陣斬之盡平其部科爾沁從

後蒙古紀事本末

卷上

科爾沁首九降 大清 鄂爾多斯降 大清

龍佐命世為肺腑與國休戚 大清孝端文皇后 孝莊文皇后

孝惠章皇后皆科爾沁女故 世祖當草創初冲斃踐祚中外帖然繫蒙古外戚扈戴之力自天命至乾隆初額駙尚王者八有大征伐輒膺臺前驅

勞在王室非直懿親而已故順治十有一年 上以諸札薩克蒙古久不見恐雍上下之情特 賜敕存問令有所欲請隨時奏聞朕世世為天子爾亦

世世為王王屏藩百世而土謝圖親王達爾漢親王卓里克圖親王札薩克圖郡王四爵俸幣居二十四部上

鄂爾多斯降

大清

鄂爾多斯部明末苦林丹汗之虐糾合喀喇沁何巴噶諸部敗察哈爾兵四萬於土默特之趙城天聰九年 大清軍追林丹汗子額哲於黃河西未至鄂

爾多斯先遣盟攬其部眾而獻千戶於 大清順治初出兵隨 大清親征噶爾丹至所部界諸札薩克渡河朝

御營戲馬請設驛饋運出兵扈 上嘉其俗龐土沃牲奴獵獮周覽形勢謂札薩克等曰明人議復河

奎皇爾蒙古如榻側卧虎亦其時無人耳若今日大軍且踰陰山賀蘭山出爾背後直奉我何諸札薩克稽首曰今天下一家

耶本六種至乾隆中滋息復增一旗設札薩克七自為一盟

歸化城土默特復王順義

歸化城土默特者明順義王俺答之後也中為察哈爾所滅

爾兵駐歸化城率部眾降

大清編為二旗部長皆受

時 大清副都統吳巴海駐城鎮守使為巴海邀殺崇德元年喀木尼漢部

葉雷等叛

大清投漠北吳巴海率兵追之數旬無所見漠中射一雁負矢而墮往取之見營中遺火遠攝及於溫多爾葉雷注矢引滿將拒戰有狐起於前觸葉雷弓墜遂被擒而順義王印始為

喀爾喀降

大清

喀爾喀部

大清崇德元年既平插漢部遣使宣捷於喀爾喀喀爾喀遣使聘

後蒙古紀事本末

大清且請絕明帝

大清 大清命歲獻白駝一白馬八曰九白之貢為定制順治三年蘇

尼特部騰機思叛

大清出軍來征八月戰於土臘河土謝圖汗兵三萬為所敗次日碩

雷汗兵三萬亦為

大清所敗四年札薩克圖汗上書代解書不稱名辭又

俗

大清讓之五年騰機思復歸

大清命遣子弟往朝補九白之貢盡歸所掠巴林人畜不從十年始遣子弟往

乞盟受

賜盟於宗人府設札薩克八仍分左右翼

喀爾喀兩徙牧地

康熙二十三年喀爾喀左翼王謝圖汗攻右翼札薩克圖汗而奪其兵又

或議今四十九旗蒙古擄取之 聖祖不忍乘其厄發倉帑蓄三十年

駕出塞外受朝嚴申約束土謝圖汗等具疏請罪

大清分三十旗為左

右中二路劃內蒙古水草地俾游牧近邊仍留汗號輿內札薩克各旗同列噶爾丹既并喀爾喀之地遠沿克魯倫河南牧犯

大清近塞

車駕再親

征殄噶爾丹而反喀爾喀於漠北屯田於鄂爾昆河左右

騰機思叛

大清

蘇尼特騰機思

太宗之額駙也與

大清睿親王不合率所部北投

喀爾喀

大清命德豫親王多鐸為揚威大將軍來征六月師次噶爾察克

山騰機思等屯於察噶魯臺聞風遠遁

大清外藩郡王滿朱習禮副都統

明安達禮追及於歐克特山騰機思兵大敗迎其下嫁格格還

大清兵復

渡王獵河來追家口輜重牲畜十餘萬皆被

大清所擒五年騰機思復歸

大清

賽音諾顏世長漢北

賽音諾顏部善巴從弟策凌幼自塔密爾河隨母至

大清京師見奇於

聖祖教養內廷四十五年

大清和碩額駙尚純愨公王五十四年

後蒙古紀事本末

卷上

騰機思叛

大清

二十八

率所部隨

大清北路軍御進噶爾五十九年隨

大清由阿爾泰山分

路進大斬獲於希拉罕焚其糧於烏蘭呼濟河擄室妻百餘受

大清札

薩克雅正元年受

大清撤北路大軍偕同族

親王丹津多爾濟各以副將軍留阿防爾泰山策凌連年從軍碧溪莊山川險易慎

喀爾喀為準部凌替統自磨厲練猛士千隸帳下為親兵又以準部恃馳突而

喀爾喀無紀律節制每游牧及止營皆以陣法部勒萬眾森嚴時如對壘由是

賽音諾顏一軍雄漠北九年隨

大清順承親王錫保討噶爾丹是文與

丹津合兵敗準部兵六千於鄂登楚勒磧其驍將受封和碩親王賚白金萬并

受喀爾喀大札薩克十年六月準部兵三萬復深入內犯

師未歸葉直游牧舊帳於塔密爾河策凌在途所乘馬忽人立嘶風而啼俄飛

騎報警策凌大怒即斷髮殺馬鬣誓矢兼程回道歸救大戰於森齊泊又大戰

於鄂爾坤河斬其兵大半

大清晉號超勇親王錫黃帶分土謝圖汗所滋

息之二十一旗隸賽音諾顏部而於所留之十六旗增四旗為二十仍隸土謝

圖汗部復以策凌轉戰不得歸游牧被準部所曠官給半馬羊各數千白金五

萬并城塔密爾河易廬帳為宮室如 京師賜第以重藩衛佩定邊左副將軍
印進屯科布多授盟長便宜行事初韋噶爾喀敗爾喀部兵不競廬闡至庭如
出入無人之境及再為策凌所挫子重墮殲始駭呼不敢窺塞十二年冬奉表
於 大清請和 大清命移科布多軍於察罕原爾即察罕油在科布多東南二百里召

策凌至 京師韋噶爾請以何爾泰山為厄魯特游牧界杭愛山為喀爾喀游
牧界策凌議不許必以額爾齊斯河及何爾泰山為界而空其中為閒地韋部
不從乾隆二年進部貽策凌書稱為重臣汗議地界策凌獻其書并己所答書
策凌有二子陷韋部中是冬使哈柳復至語及之欲以勳策凌策凌厲辭拒折
哈柳無以難遂定議毋踰阿爾泰山蓋自雍正末年血韋部議界策凌凡三至
京師韋部憚其威重於是喀爾喀西陲拓地千餘里初策凌部下侍衛有綽
克渾者能書夜行千里每登高峰巔輒以兩手張其衣若鳥雕竄翼而立故敵
遠望不覺盡得敵形勢虛實歸報策凌用兵皆其嚮導之力及事定策凌賜之
千金而親飲之酒綽克渾曰請王侍姬為奴舞劍奴請為王歌歌曰朔風高天
馬號追兵夜至天騎逃雪山旁黑河道狹送殺賊如殺草妾得北斗為長弓射
後蒙古紀事本末 卷上 賽爾諾顏世長漢北 三九

頃攬槍入酒鍾策凌大喜并侍姬及所乘戰馬賜之越七日而綽克渾死策凌
以五十年堯 世宗以王奮身血戰再挫天驕震威絕徽為 國長城特

敕配享 太廟創蒙古諸藩未有之典并援怡賢親王例崇祀京師賢良

祠 賜諡曰襄建碑紀功烈 御製輓詩稱以不必讀書知大義每於臨陣

冠三軍云乾隆二十年 大清師征伊犁而有喀爾喀撤驛之變由車臣汗

部郡王青滾雅布煽之自十六驛至二十九驛一時盡徹羽書中斷遂回舊游

牧擁眾數是時伊犁未平蒙古復變中外幾震動策凌世子成衮札布嗣父為

定邊左副將軍首撤各部兵赴剿并請哲卜尊丹巴刺麻宣諭各喀爾喀大義

遂復臺驛通軍報統師端進降賊獻 京師於是伊犁兩路之師得一意西討

無內顧憂而其地車布登札布在伊犁軍中以三百騎倍道馳至集賽擒其罕

桑奪船渡伊犁河追達瓦齊於格登山又首發阿睦爾撒納逆謀告於將軍班

第又以數百騎棄大軍先進敗韋部逸賊數千於和落霍山盡擒渠首 大

清晉親王復旌以超勇之號錫金營帶入覲圖形 紫光閣尋代兄鎮烏里雅

蘇台兼議政大臣父子兄弟三為定邊左副將軍節制漠北數千里開闢威名

二百年未之有也而成蒙札布子那旺多爾濟高固倫和靜公主亦從征臨清石峰堡有戰功世長漠北而翰西陲云

和羅理徙牧賀蘭山

青海和碩特固始汗兄子曰鄂齊圖汗游牧套西而固始汗子巴延阿玉什生子十六人同居青海和羅理等十二人亦牧套西是為二部分地之始順治初鄂齊圖汗遣使入貢

大清且請助攻喀爾喀後康熙十六年建部噶爾丹娶鄂齊圖女旋以兵襲殺鄂齊圖破其部遣使獻所俘弓矢甲冑於

大清不受於是西套厄魯特潰散或投西藏或被虜歸伊犁而和羅理族避居大草灘廬帳萬餘

大清守汎吏驅之不去并有進噶爾逃人數百從之驛近邊

大清宥和羅理飢困竄掠之罪和羅理等求達賴喇嘛請甘州東北之表龍頭山蒙古謂之阿拉山即古賀蘭山陰者賜游牧以距邊六十里為界

大清許之二十七年噶爾丹侵喀爾喀和羅理族人前隘準部中者乘準部

與喀爾喀戰聖子眾脫走

大清與喀爾喀戰聖子眾脫走

理擅留之三十年懼討分道叛遁先後為

後蒙古紀事本末

卷上

和羅理徙牧賀蘭山

三十一

和羅理徙牧賀蘭山

羅斯敦伊犁曰都爾伯特收額爾齊斯曰土爾扈特收雅爾曰和碩特收烏魯木齊和碩特固汗於明末襲據青海又以兵入藏滅藏巴汗而有喀木之地綽羅斯特則據伊犁兼骨旁部血喀爾喀鄂勒俱孫其康熙中總羅特澤台吉死子僧格立僧格死子索諾木阿拉布坦立僧格弟噶爾丹殺之自立為準噶爾汗旋取青海和碩特車臣汗女而襲殺車臣汗兼有四衛拉特復南推回部城郭諸國盡下之威令至衛藏則又思北并喀爾喀乃自伊犁東徙張河爾泰山并使杜爾伯特部眾屯田且耕且牧以特其食會喀爾喀土謝圖汗執殺札薩克圖汗而奪其妻三部內降

大清遣使偕西藏達賴之使和解三部噶爾丹使族人多爾濟札布隨而覘之故使嫚罵土謝圖汗以激其怒土謝圖汗果執殺之噶爾丹遂藉辭報復揚言借俄羅兵且至喀爾喀探無其事守備懈弛不以為意二十七年夏噶爾丹領勁騎三萬逾杭愛山突據其帳游牧刺麻從中應之上謝圖汗倉卒潰遁其子噶爾旦台吉拒戰大敗傾國東走噶爾丹復擄喀爾喀并擊破其鄰部右翼車臣汗左翼札薩克圖汗又劫其大刺麻哲卜後蒙古紀事本末

卷上 噶爾丹兼并諸部

三十一

尊丹巴胡圖克圖之帳於是土謝圖等二汗部各數十萬盡棄牲畜帳幕分路東奔於九月投漠南之降

大清 噶爾丹寇

噶爾丹既并回部青海漠北益驕蹇自恣踞喀爾喀王庭徵諸國屬控弦之士數十萬康熙二十九年以追喀爾喀為名乘銳東犯五月侵及烏爾會河

大清尚書阿爾尼以蒙古兵來擊令喀爾喀奪遠所掠牲畜喀爾喀貪利爭取陣遂亂而為厄魯特兵所敗乘勝東趨內札薩克蒙古地方六月

北大將軍恭親王常寧出喜峰口噶爾丹且戰敗其兵遂乘勝長驅而南深入烏蘭布通距京師七百里

大清康熙親王傑書率花歸化城要噶爾丹歸路八月朔與大清撫遠大將軍裕祿親王福全軍相遇於烏蘭布通噶爾丹遣使於大清軍中言追喀爾喀仇人闖入中國況界非敢妄行請執土謝

圖汗及其弟哲卜尊丹大刺麻以界豈曰大戰於烏蘭布通噶爾丹騎數萬陣山下依林阻水以萬駝縛足卧地背加箱袋蒙以濕氈環柵士卒於壕發矢銃備鉤距謂之駝城

大清師隔河而陣以火器為前列遙攻噶爾丹中堅

聲動天地自晡至暮駝斃於礮額且仆陣斬為二

大清步騎爭先來陷陣

且左翼兵繞山橫擊噶爾丹之壘遂為所破乃乘夜走保高險翌日遣西藏刺
麻濟隆於 大清軍車辭之和不便報即披營由克什克騰部之什拉穆楞

河載木橫渡越大磧山宵遁所過皆燒荒以絕追騎道數日 大清師輕騎

來追已不及噶爾丹中途遣使獻書於 大清頂威靈佛誓不犯邊并具疏

謝罪科爾沁土謝圖汗親王謀燕留噶爾丹而噶爾丹行不止且盡失自駝無

輜重奔絕漠而北沿途饑餓死亡得遠科布多者僅數千人三十一年五月噶

爾丹遣使至歸化城聲言入貢 大清男婦接踵往者幾二千 大清遣

兵追之且青遠所使二十三年 大清約噶爾丹往會盟不報而遣兵侵掠

喀爾喀益甚庫書索土謝圖汗及哲卜尊丹大刺麻益急且殺 大清使臣

而陰遣使誘內蒙古各部叛 大清以歸巴科爾沁土謝圖親王等以聞於

大清

聖祖欲誘噶爾丹往一戰復之三十四年噶爾丹率騎三萬

入寇沿克魯倫河而下侵掠至巴顏烏爾自秋徂冬路之不去亦不犯漠南

大清遣使來救之噶爾丹令使者徒步歸且大言借俄羅斯烏鎗六萬將大

後蒙古紀事本末

卷上

噶爾丹寇

大清

三十三

舉內犯蓋以前敗由火器不如中國故伴借西洋火器以張軍數俄羅斯亦無

意相助且噶爾丹懲前敗亦未敢深入也明年春 聖祖親征軍行瀚海

泉溢驚生五月遂由科圖來逼噶爾丹登北孟納蘭山望見 大清御營大

驚投營背瘡翌日 大清軍至河則北岸已無一帳 聖祖又率前鋒

來追三日至拖諾山不及而還噶爾丹奔馳五晝夜途中欲拒戰於拖諾山而

眾奔不能止沿途遺老弱輜重及發凍脫無算適遇 大清西路師邀之於

昭莫多蒙古語大樹林也即明成祖破阿魯台地在肯特嶺之南土臘河之北

汗山之東平曠饒水草回望大嶺千級如屏為自古漠北戰場時噶爾丹軍至

者僅萬然皆百戰之眾 大清將軍孫思克以綠旗兵據山頂噶爾丹等爭

山頂鋒其銳 大清兵據險術擊皆銳遂發藤牌繼之每進輒以拒馬木列

前自固噶爾丹曾大統鷹屬至暮不退人人如怒虎林木皆震 大清大將

軍費揚古率騎一橫衝入陣一盤陣後輜重山上軍奮呼夾擊噶爾丹始潰馳

夜奔三十餘里死降者數千人失馬駝牛羊廬帳器械無算噶爾丹有可敦阿

奴可敦者連部稱其汗之妃也頗習戰戰披銅甲佩弓矢騎異獸似蛇非蛇精

銳志隸麾下至是亦為 大清之礦所繫噶爾丹以數十騎遁初準噶爾自

破喀爾喀後變漠北地久不歸伊犁舊部悉盡為元子策妄那布坦所并自阿

爾泰山以西皆非已有又連年與中國戰精銳喪亡牲畜皆盡回部青海哈薩

克皆隔絕叛去至是欲西歸伊犁則畏策妄那布坦之偏欲南投烏斯藏則道

遠不能至欲北赴俄羅斯而俄羅斯拒不受聞翁金河一作囊金河與推河并達里克河皆相近在俄

愛山之西阿爾泰山之東有 大清師餘糧運回塞夏乃遣兵數千山谷中突出掠之又

為 大清副都統祖良璧董糧兵前後夾擊所敗掠喀爾喀之出邊游牧

者聞有備亦不敢犯而遣赴藏之使又為 大清青海副都統所擒所屬部

落從者或僅千人或數百人皆老羸自相益羊馬而準部諸台吉絡繹降於

大清噶爾丹羽翼盡喪欲降時 聖祖駐蹕俄而多斯乃遣使往探中國

意方其遣使也授以書數息曰天下人果不相同中國皇帝神靈奇異聞其行

軍所至泉湧於沙草生於磧冰泮於河是天助彼也今我所屬之人已皆往屬

之是人助彼也爾任其所觀其侍從大臣行止若何歸日議之泣下使者至俄

爾多斯瞻觀感服密輸情於 大清大臣 聖祖聞而憐之命理藩院

後蒙古紀事本末 卷上 策妄那布坦復據伊犁 三三

自獨石口至塞夏設驛以待而噶爾丹強卒未往三十六年 大清費揚

古等兩路出兵求討噶爾丹子塞卜騰巴珠徵糧哈密為回人擒獻所獲薩克

呼里之地野獸已盡左右親信數台吉亦面黥聞 大清兵將至先後望風

相降密嚮導 大清兵深入又策妄那布坦擁勁兵伏河爾泰山將擒以獻

功噶爾丹進退無地不知所為計每夕或數驚所至處頻逢怪異烈風淫雨隨

之自知人畔天亡旦夕必就俘遂仰藥死策妄那布坦以噶爾丹尸及妻子女

獻於 大清所部盡降

策妄那布坦復據伊犁

康熙中準噶爾汗僧格死弟噶爾丹殺僧格長子而自立僧格次子策妄那布

坦與其父舊臣七人逃居土魯番遣使乞降 大清 聖祖卯而翼之

使協力擒伏策妄那布坦乘噶爾丹南侵敗衄之際潛回伊犁游牧博羅塔拉

河用其七友收集散亡杜爾伯特諸台吉從之闕地至額爾齊斯河遂有準部

大半康熙三十六年噶爾丹既死 大清乃畫阿爾泰山以西至伊犁捐俸

游牧復成西域一大部落策妄既死準部則盡反噶爾丹所為恩吞併四部為

一先取土爾扈特向玉奇汗女乃羅間河玉奇手搗眾萬五千戶至而沒入之旋阻其首道禁不入藏於茶阿玉奇遂全部投俄羅斯策妄復娶和碩特拉藏之姊而贅其子丹津於伊犁乃潛師入藏驚殺拉藏汗并擒殺其次子之在青海者其杜爾伯特本從策妄分收額爾齊斯河久為所虜至是土爾扈特和碩特二大部復為所併遂自立為汗

青海降

大清

青海和碩特部固始汗強盛

大清崇德中擊敗唐古特藏巴汗遣使自塞

外至

大清通貢并請發帑存問達賴喇嘛順治初又遣達賴喇嘛至

大清入覲受封遵文行義敏慧固始汗賜金冊印弓矢甲冑順治十三年卒康熙五年青海各部遷屯祁連山縱牧內地大草灘聲言將入寇

臨洮鞏昌西寧涼州諸地六年復將入寇

大清十四年為王輔臣所燬復

犯

大清河西皆奉達賴喇嘛諭而止獻駝馬牛羊於

大清謝罪出

塞十六年進噶爾襲殺西套鄂齊圖汗青海和碩特諸台吉懼聖帳數千避居

大草灘十七年噶爾丹將侵青海懼中國甘肅關外兵斷其後乃遣密使與諸

後蒙古紀事本末

卷上

青海降

大清

三十四

台吉議婚欲使貢中國而歸已二十九年

大清軍敗噶爾丹於烏闌布通

青海諸台吉附達賴喇嘛表上

聖祖尊號不許三十五年

聖祖

親征噶爾丹獲青海通噶爾丹使遣使來宣諭諸部集盟於察罕托羅海告以

鄂齊圖汗世仇約共擒噶爾丹時有善巴凌堪布蓋達賴所遣理青海蒙古事

務者也與諸台吉等集盟壇遣使至

大清寶捷三十六年固始汗子達什

巴圖受

大清封為和碩親王餘授貝勒貝子公爵有差

羅卜藏丹津復據青海

羅卜藏丹津者和碩特固始汗之孫也初青海及喀木藏衛舊稱唐古特四大

部固始汗來自甘涼塞外橫侵據之以喀木糧富而青海廣魚故今子孫游牧

而喀木納其賦惟以藏衛二部給達賴班禪順治十三年固始汗卒其裔分二

支在藏者為拉藏汗在青海及河套者為鄂齊圖汗為阿拉山王等鄂齊圖汗

為噶爾丹所破阿拉山王投降

大清

聖祖賜以賀蘭山游牧地青

海汗絕及

聖王出塞青海固始汗子孫八台吉入覲時固始汗惟達什

巴圖尚存受

大清賜爵親王餘授貝子貝勒公爵又預平西藏於是八家

復振噶爾丹及策妄兩世覬覦青海皆震懼中國軍威不敢犯休養百載捍蔽西陲雖藏中和碩特末年為策妄所覆而貢海之和碩特部族如故也至是達什巴圖之子羅卜藏丹津襲親王爵從 大清軍入藏歸以貢海及唐古特

舊俗和碩部屬而已固始汗嫡孫陰觀復先人霸業總長諸部乃於雍正元年夏誘諸部盟於察罕托羅海各仍故號不復得稱王貝勒公等爵而自號達賴渾台吉以統之欲脅諸台吉奉已如鄂爾齊汗據唐古特以遙制青海親王察罕丹津郡王額爾德尼不從遂受羅卜藏丹津之兵倉卒不能抗秋八月掣眾內奔薊州關外 大清許其眾入邊復命駐西甯之侍郎當壽來諭丹津

執之初青海有大刺麻曰察汗諾們汗者自西藏分支任持塔爾寺為黃教之宗者夷信嚮丹津以術煽誘使從已大刺麻既從於是遠近風靡游牧番子刺麻等二十餘萬同時騷動犯 大清西甯掠牛馬抗官兵冬十月 大清

陝西總督年羹堯駐西甯先分兵永昌布隆吉河防丹津之南犯南守巴塘裏塘黃勝關扼丹津入藏之路又請 勅富寧安等屯土魯番及噶斯泊截丹津通準部之路復遣諸將分攻鎮南申中南川西川北川順德等堡潰丹津之

後蒙古紀事本末 卷上 羅卜藏丹津復據青海 三五

黨羽遂移察罕丹津所部於蘭州羅卜藏丹津始懼歸常壽請罪不許十二月各蒙古貝勒子公台吉歸 大清丹津所脅從部落十餘萬亦降 大清

清二年正月 大清提督岳鍾琪攻丹津黨之刺麻於西甯東北郭隆寺三嶺皆為所奪沿途十七堡廬舍七千餘皆被焚死者六千人而石門奇嘉郭莽等寺皆被破時羅卜藏丹津在烏蘭呼爾之柴達木距西甯衛千餘里年羹堯

率兵二萬餘由西甯松潘甘州布隆吉河四路來攻布隆吉河在青海西北三遂追入崇山丹津兵被殲者二千人於是丹津無所措岳鍾琪率兵進滿爾拒青海千五百餘里二月岳鍾琪乘襲守哈達河之兵為所敗岳鍾琪

百六十里黎明至帳前丹津兵尚未起馬皆無銜勒倉皇大潰羅卜藏丹津衣嘉峪關外必由之路四川松番婦衣騎白駝遁時 大清軍悉丹津入藏沿河源西南追而丹津則已於噶爾遜河一作噶爾河在噶爾遜河布隆吉河之北橫越戈壁北投進噶爾部矣後乾隆二十年 大

清師蕩平準部羅卜藏丹津遂被擒械至 大清京師 上以 世宗嘗有來降免死之詔竟赦不誅

